

四庫全書


史部

欽定四庫全書

皇朝禮器圖式卷十七

武備五

皇帝行營內旌門素纛




欽定四庫全書

皇朝禮器圖式

皇帝行營內旌門燾 謹按乾隆二十年

欽定行營內旌門燾三東鑲黃西正黃南正白俱以緞
為之各從旗色鑲黃以紅綠正黃正白不加綠皆
正幅銷金雲龍綵徑四尺八寸旂徑五尺綠銷金
火燄周濶八寸杆以竹髹朱束藤長一丈四尺五
寸圍六寸三分首冠金盤上植豹尾下注朱旌加
明黃影帶剡角亦銷金火燄長五尺三寸濶九寸
杆末鐵鐔長四寸旁施鐵鐐穿草植燾


皇帝行營內城旗



皇帝行營內城旗 謹按乾隆二十年

欽定行營內城旗四十有一俱明黃緞為之紅綠斜幅
銷金雲龍繆徑二尺二寸旂徑三尺三寸斜徑四
尺綠銷金火燄周濶三寸三分杆以竹聚朱束藤
長六尺七寸圍二寸一分首冠金盤上植豹尾下
注朱旌加明黃影帶剡角亦銷金火燄長四尺濶
四寸杆末包草繫繩植旗

皇帝行營外旌門畫



皇帝行營外旌門燾 謹按乾隆二十年

欽定行營外旌門燾五東鑲白西鑲紅南正藍鑲藍遞
用北正紅俱以緞為之各從旗色正紅正藍不加
綠鑲白鑲藍以紅綠鑲紅以白綠皆正幅銷金飛
虎環以火燄餘俱如

內旌門燾之制

皇帝行營外城旗



皇帝行營外城旗 謹按乾隆二十年

欽定行營外城旗六十東南正白西南正紅西北正黃
東北鑲黃俱以緞為之各從旗色鑲黃以紅綠正
黃正白正紅不加綠皆方幅銷金飛虎環以火燄
綵徑二尺旂徑三尺鑲黃綠亦銷金火燄周濶四
寸杆如內城旗之制

皇帝行圍吉爾丹素




皇帝行圍吉爾丹燾 謹按

本朝定制

皇帝行圍吉爾丹燾明黃緞為之不加綠斜幅銷金雲
龍周為火燄形亦銷金火燄綵徑七尺三寸旂徑
八尺斜徑一丈九尺杆以竹髹朱束藤長一丈六
尺五寸圍四寸九分首冠鍍金三棱火珠頂注朱
旄末鐵鐔長四寸旁施鍍金鐐穿草植燾

皇帝行圍後護旗




皇帝行圍後護旗 謹按

本朝定制

皇帝行圍後護旗以緞為之八旗各一鑲黃鑲白鑲藍以紅綠鑲紅白綠正黃正白正紅正藍不加綠皆正幅銷金飛虎間以火燄綵徑一尺八寸旂徑二尺九寸杆以竹鬃朱束藤長六尺圍二寸一分首冠金盤上植豹尾下注朱旌加明黃影帶剡角銷金火雲長二尺七寸濶三寸杆末包革繫繩植旗

如健銳營扈行則以鑲黃正黃旗各四制如之

皇帝行圍壽縣



欽定四庫全書



皇朝禮器圖式

皇帝行圍燾 謹按

本朝定制

皇帝行圍燾五鑲黃一正黃正白各二俱以緞為之鑲黃以紅綠正黃正白不加綠皆正幅不施繪繡方五尺五寸杆以竹長一丈四尺五寸圍六寸三分首冠鍍銀鐵輪頂注朱旌末鐵簪長四寸旁施鐵鐐穿革植燾中鑲黃兩協正黃兩末正白環行相遇則圍合

南苑


行圍用之

欽定四庫全書


皇朝禮器圖式

卷十七

十



皇帝行圍蒙古肅



皇帝行圍蒙古燾 謹按

本朝定制


皇帝行圍蒙古燾五正黃正白正紅各一正藍二俱以
綢為之各如旗色不加緣正幅不施繪繡皆絳徑
六尺四寸游徑六尺杆以竹製朱束藤長一丈四
尺五寸圍六寸三分首冠鍍銀鐵輪頂注黑旄末
鐵鐔長四寸旁施鐵鐐穿革植燾中正黃兩協正
白正紅兩末正藍環行相遇則圍合木蘭

行圍用之

得勝

靈燾一

仰製轉藏得勝
 靈燾於庚辰歲時以祀事
 峰消洱海德表結旌是開
 高閣以圖而並昇
 靈旌為字器原夫一麾臨閩
 外彌文不侈
 福瓊七宿炳
 增中壯志初傳統鼓方通折連
 而腹摩于山風鶴騰聲更
 驅蹙屬以鍾軍百朔沙蟲
 掃跡昔也鍾李程日斗選
 是存羅今馬輝獎別弓刀
 通其安時彼龍堆授笑距
 惟銅柱齊標而虎經常然
 合與金符同路從此電霜
 生色非徒充武庫之贈還
 將日月永華成永祿長常
 之字
 辭閣國所創景北大師
 靈燾出神龍和福伊古賢
 神佑功績從今紀太清信是
 元氏篤忠綱肯忘方効
 臨場持節如虎強
 乾凱敢復佳兵修風強
 乾隆庚辰歲春



得勝

靈燾一

謹按乾隆二十四年平定西域越歲振旅

凱旋

上命尊藏得勝

靈燾於

紫光閣用紀

武成櫝以香楠高二尺四寸縱二尺五寸橫二尺一寸

上鐫得勝

靈壽周鐫

御製詩並序皆清漢蒙古西番文承以白石趺凡藏靈
七一為定邊將軍武毅謀勇公兆惠靈黃雲緞為
之不加緣正幅銷金雲龍環以火燄絛徑四尺七
寸旂徑五尺六寸首冠鍍銀鐵頂注朱旌加黃緞
影帶長五尺九寸濶八寸銷金如靈幅

得勝

靈壽二




得勝

靈燾二 謹按得勝

靈燾二為定邊右副將軍靖遠誠勇侯富德燾黃雲
緞為之不加緣正幅銷金雲蟒環以火燄綵徑五
尺旂徑四尺八寸首冠鍍金鐵頂承以鐵盤注朱
旌

得勝

靈壽縣三




得勝

靈燾三 謹按得勝

靈燾三為參贊大臣毅勇承恩公明瑞燾黃雲緞為之紅綠斜幅銷金雲蟒緣徑七尺九寸旂徑六尺八寸斜徑一丈綠為火燄形亦銷金火燄周濶八寸首冠鍍銀鐵頂承以鐵盤亦鍍銀注朱旌加紅緞影帶亦銷金如燾幅長一丈一尺五寸

得勝

靈壽四




得勝

靈燾四 謹按得勝

靈燾四為參贊大臣誠勇公巴祿燾黃雲緞為之紅
綠斜幅銷金雲蟒綵徑六尺二寸旂徑六尺七寸
斜徑九尺綠銷金火燄周濶六寸首冠鍍銀鐵頂
承以鐵盤亦鍍銀注朱旌

得勝

靈壽五



得勝


靈燾五

謹按得勝

靈燾五為領隊大臣副都統鄂傳什燾黃雲緞為之
不加緣正幅不施繪繡緣徑四尺一寸旂徑四尺
五寸首冠鍍銀鐵頂承以鐵盤亦鍍銀注朱旌

得勝

靈壽六



得勝


靈燾六

謹按得勝

靈燾六為領隊大臣副都統圖布巴圖魯溫布燾白
雲緞為之斜幅繪五彩雲蟒緣徑六尺七寸游徑
六尺四寸斜徑九尺三寸緣為火燄形亦繪火燄
周濶六寸首冠塗金革頂承以圓革亦塗金注朱
旌

得勝

靈燄七




得勝

靈燾七 謹按得勝

靈燾七為領隊大臣副都統克特爾克巴圖魯由屯
燾黃雲緞為之不加緣正幅不施繪繡緣徑五尺
二寸旂徑四尺九寸首冠鍍銀鐵頂承以鐵盤亦
鍍銀注朱旌

八旗都統纛





八旗都統燹 謹按

本朝定制八旗都統燹俱以緞為之各從旗色鑲黃
旗鑲白旗鑲藍旗皆紅綠鑲紅旗白綠皆左平右
剡銷金流雲行龍綵徑五尺中徑六尺四寸上下
各徑四尺六寸斜徑各三尺綠銷金火燄周濶八
寸正黃旗正白旗正紅旗正藍旗不加綠俱正幅
亦銷金流雲行龍綵徑五尺存徑五尺八寸杆以
竹髹朱束藤長一丈三尺圍五寸五分首冠鍍銀

釵花頂注朱旌惟正紅旗黑旌末鐵鑄長四寸旁
施鐵鐐穿革植燾滿洲蒙古漢軍都統皆用之


八旗佐領壽縣一



八旗佐領燹一 謹按

本朝定制八旗佐領燹俱以緞為之不施繪繡注黑
旌餘俱如都統燹之制滿洲蒙古佐領皆用之


八旗佐領毒縣二



八旗佐領燾二 謹按

本朝定制八旗佐領燾俱以緞為之銷金飛虎杆首
冠鍍銀鐵輪頂餘俱如都統燾之制漢軍佐領用
之

八旗領催旗一




八旗領催旗一 謹按

本朝定制八旗領催旗俱以緞為之色及緣俱如都統纛之制鑲黃旗斜幅綵徑二尺二寸旂徑三尺三寸斜徑四尺鑲白旗鑲紅旗鑲藍旗俱左平右剡皆不施繪繡綵徑二尺二寸旂徑二尺九寸上下各徑二尺斜徑各一尺四寸正黃旗正白旗正紅旗正藍旗俱正幅亦不施繪繡綵徑一尺九寸六分旂徑二尺九寸緣俱濶三寸三分杆以竹製

朱束勝長六尺七寸圍二寸一分首冠鍍銀鐵壺
盧頂注黑旌末包革繫繩植旗滿洲蒙古領催皆
用之


八旗領催旗二



八旗領催旗二 謹按

本朝定制八旗領催旗俱以緞為之色及緣俱如都
統纛之制鑲黃旗鑲白旗鑲紅旗鑲藍旗俱左平
右剡銷金飛虎綵徑二尺二寸中徑二尺九寸上
下各徑二尺斜徑各一尺五寸正黃旗正白旗正
紅旗正藍旗俱正幅亦銷金飛虎綵徑一尺九寸
六分存徑二尺九寸杆首冠鍍銀銀釵花頂注朱旌
餘俱如領催旗一之制漢軍領催用之


八旗前鋒校旗



八旗前鋒校旗 謹按

本朝定制八旗前鋒校旗俱以緞為之色及緣皆如
都統纛之制俱方幅銷金飛虎緣徑二尺三寸許
徑一尺八寸杆以竹髹朱束藤長六尺圍二寸一
分首冠金盤上植豹尾下注朱旌杆末包革繫繩
植旗


八旗護軍統領壽縣



八旗護軍統領纛 謹按

本朝定制八旗護軍統領纛俱以緞為之色及緣皆如都統纛之制俱斜幅銷金雲龍繆徑四尺八寸旂徑五尺五寸斜徑七尺三寸緣為火燄形杆亦如都統纛之制

八旗護軍校旗




欽定四庫全書

皇朝禮器圖式

八旗護軍校旗 謹按

本朝定制八旗護軍校旗俱以緞為之色及緣皆如
都統纛之制俱斜幅不施繪繡綵徑一尺六寸旂
徑一尺七寸斜徑二尺三寸杆以竹髹朱束藤長
五尺五寸圍二寸一分首冠釵花鐵頂注朱旌惟
正紅旗黑旗末包革繫繩植旗


健銳營前鋒參領毒縣



健銳營前鋒參領燾 謹按乾隆十四年

欽定健銳營前鋒參領燾左翼鑲黃右翼正黃俱以緞
為之鑲黃旗紅綠俱正幅銷金雲龍環以火燄緣
徑五尺旂徑五尺一寸杆以竹髹朱束藤長一丈
一尺圍六寸三分首冠鍍銀釵花頂注朱旌加黃
影帶剡角亦銷金火燄長五尺八寸濶八寸五分
杆末鐵鐫長四寸旁施鐵鐐穿革植燾


健銳營前鋒校旗



健銳營前鋒校旗 謹按乾隆十四年

欽定健銳營前鋒校旗纒徑一尺九寸旂徑二尺二寸
杆長五尺二寸圍二寸一分首冠鍍金鐵盤上植
豹尾影帶長二尺寬三分餘俱如纛之制

火器營護軍參領纛



火器營護軍參領燾 謹按


本朝定制火器營護軍參領燾以緞為之色及綠俱如八旗都統燾之制俱斜幅銷金雲龍環以火燄繆徑六尺五寸旂徑九尺一寸五分斜徑一丈一寸二分綠濶八寸杆以竹髹朱束藤長一丈五寸圍五寸六分首冠鍍銀鐵輪頂注朱旌惟正紅旗黑旌加白緞影帶為火燄形亦銷金雲龍長九尺六寸濶九寸六分杆末鐵鐔長四寸旁施鐵環穿

草植素


欽定四庫全書

皇朝禮器圖式
卷十七

二十四




火器營護軍校旗



火器營護軍校旗 謹按

本朝定制火器營護軍校旗以緞為之色及緣俱如
八旗都統纛之制皆斜幅銷金雲龍環以火燄緣
徑二尺二寸四分旂徑三尺五寸斜徑四尺二寸
緣濶三寸五分白緞票帶亦銷金火燄長三尺五
寸四分寬四寸杆如八旗前鋒旗之制


火器營驍騎參領壽霖



火器營驍騎參領燾 謹按

本朝定制火器營驍騎參領燾以緞為之色及緣俱如八旗都統燾之制俱正幅三面為火燄形緣徑四尺九寸旂徑六尺一寸五分餘俱如火器營護軍燾之制

火器營驍騎校旗



火器營驍騎校旗 謹按

本朝定制火器營驍騎校旗以緞為之色及緣俱如
八旗都統纛之制皆正幅銷金雲龍緣徑一尺八
寸四分旂徑二尺六寸五分緣為火燄形濶三寸
五分白緞纛帶亦銷金火燄長三尺五寸四分寬
四寸杆如八旗前鋒旗之制


藤牌營參領旗



藤牌營參領燾 謹按

本朝定制藤牌營參領燾以緞為之色及綠俱如八
旗都統燾之制皆正幅銷金飛熊環以火燄緣徑
五尺二寸旂徑五尺六寸綠濶八寸杆長一丈二
尺六寸首冠鍍銀鈸花頂加白緞影帶長六尺六
寸濶六寸六分餘俱如火器營護軍燾杆之制


藤牌營領催旗



藤牌營領催旗 謹按

本朝定制藤牌營領催旗綵徑一尺八寸四分旂徑
二尺六寸五分緣濶三寸五分杆長六尺七寸圍
二寸一分影帶長三尺三寸濶四寸餘俱如纛之
制

王命旗牌



王命旗牌 謹按


本朝定制

王命旗牌旗以藍緞為之方二尺六寸中銷金令字清
漢文鈐以兵部印杆木質髹朱注朱旌長八尺牌
檝木為之髹朱圓徑七寸五分上刻蓮葉形髹綠
中鐫令字清漢文懸於槍上槍以榆木為之長八
尺鐵頂冒木髹黃繪龍亦注朱旌牌及槍旁俱鐫
令字第若干號清漢文塗金凡

頒給經略十二總督掛印總兵官十巡撫提督八總兵

官五

駐防將軍都統副都統肅




駐防將軍都統副都統肅 謹按

本朝定制駐防將軍都統副都統肅

盛京西安江寧綏遠城伊犁將軍天津察哈爾都統
熱河京口副都統皆用鑲黃吉林寧夏青州杭州
福州將軍歸化城右翼都統山海關察哈爾右翼
副都統皆用正黃黑龍江涼州廣州荊州將軍歸
化城左翼都統成都察哈爾左翼副都統皆用正
白俱如八旗都統肅之制


駐防將軍都統副都統領旗



駐防將軍都統副都統領旗 謹按

本朝定制駐防將軍都統副都統領旗以緞為之各
從纁色皆正幅銷金令字及注銜皆清漢文繆徑
一尺五寸五分旂徑九寸五分貫以令箭筈長三
尺繫朱皂羽上括下鏃鏃面鍍銀令字分十二辰
皆清漢文


綠營督撫提鎮肅



綠營督撫提鎮燾 謹按

本朝定制綠營督撫提鎮燾綠緞為之斜幅銷金雲蟒或飛熊綵徑八尺旂徑五尺八寸斜徑一丈旂及斜徑皆為火燄形杆以竹髹朱長一丈四尺圍四寸六分首冠釵花鐵頂承以圓革注朱旌加綠緞影帶亦為火燄形銷金雲蟒長一丈五寸濶六寸五分杆末鐵鐔長四寸旁施鐵環穿革植燾


綠營督撫提鎮令旗



綠營督撫提鎮令旗 謹按

本朝定制綠營督撫提鎮令旗黃緞為之斜幅綵徑一尺八寸游徑二尺四寸斜徑三尺餘俱如駐防令旗之制直省總督提督巡撫總兵皆得用


綠營大帥旗



綠營大帥旗 謹按

本朝定制綠營大帥旗黃布為之正幅書帥字漢文
緣徑一丈八寸旂徑一丈四尺杆以竹髹朱束藤
長一丈六尺圍四寸六分首冠木壺盧頂加藍布
票帶剝角長一丈五尺濶一尺演武廳將臺懸之

綠營什長旗



綠營什長旗 謹按

本朝定制綠營什長旗綠緞為之緣徑二尺三寸六分旂徑二尺九寸六分斜徑三尺八寸杆長六尺九寸圍二寸一分影帶長四尺濶四寸餘俱如纛之制


皇朝禮器圖式卷十七

欽定四庫全書

皇朝禮器圖式卷十八

武備六

皇帝大閱黃幄



皇帝大閱黃幄 謹按

本朝定制

皇帝大閱黃幄黃布為之白裏縱一丈九尺二寸橫二丈六尺中施橫梁為脊濶九尺五寸梁兩端承以柱高一丈二尺六寸門濶七尺簷四出高八尺四寸周承以柱十二脊左右及簷四隅皆加鴟吻木質塗金簷周重檐如幄色各深九寸柱所承處皆綴青布雲文柱皆塗黃油鉗鐵鍛銀端施環穿朱


繩斜繫鐵厯幄內藉高麗席加白氊中設

御座金絲緞屏座高一尺五寸縱五尺橫七尺六寸垂
黃綢檐藉紅氊青緞緣坐具貂及粧緞帷其時凱
旋

躬勞

賜宴亦設之

皇帝駐蹕大營



皇帝駐蹕大營

謹按

本朝定制


皇帝駐蹕大營內方外圓度地縱二十丈六尺橫十七丈四尺建黃幔城外加網城索絢為之黃色貫之以網高六尺濶八尺凡百六十有六距幔城東西南各十八丈北十五丈設連帳百七十有五為內城啟旌門三東鑲黃纛西正黃纛南正白纛各二周建鑲黃金龍旗四十有一各以三旗護軍參領

二人護軍校護軍二十人門馬宿衛帳九司以三
旗護軍參領一人護軍校護軍十人外設連帳二
百五十有四為外城啟旌門四東鑲白纛西鑲紅
纛南正藍鑲藍纛浹日遞建之北正紅纛各二周
建方旗南北鑲黃西北正黃東南正白西南正紅
各十有五各以五旗護軍參領二人護軍校護軍
二十人門馬宿衛帳四司以五旗護軍參領一人
護軍校護軍十人外城東面設內閣六部都察院

提督等衙門官帳距外城六十丈周設警蹕帳四十各建護軍旗一東北鑲白西北鑲紅東南正藍西南鑲藍司以護軍參領每旗一人護軍校護軍每旗十五人度地由嚮導總統張具以護軍參領三人護軍校護軍八十人重門拱衛星廬琛布黃幔城正中

御幄在焉

皇帝駐蹕御幄



皇帝駐蹕御幄 謹按

本朝定制


皇帝駐蹕御幄周建黃幔城門南向內樹黃布屏中建
圓幄高二丈徑三丈四尺上為穹蓋頂圓木如樞
銜椽下覆皆聚朱累以白氊藍布緣上加素布雨
蓋緣藍布雲文以聚朱木杆四面分撐之承椽以
斜木相交為牆高五尺六寸亦聚朱外圍白氊藍
布緣下圍朱簾高一尺八寸內圍黃洋氊紅花文

左右分懸橐鞬佩刀幄內藉高麗蓆加白氊門前後各高四尺六寸濶二尺三寸幄正中設

御座五采刻絲屏青緞綠座高一尺六寸五分縱三尺九寸五分橫五尺七寸五分垂重幃上錦下黃綢藉黃氊坐具貂及粧緞惟其時庭左右各設圓幄一高九尺五寸徑一丈五尺牆高四尺五寸內圍白氊餘制皆同座後達長幄直而深狹高七尺六寸縱一丈二尺橫八尺直梁橫棟簷左右垂高五

尺四方啟門高濶如中圓幄蓋及牆皆圍白氊藍
布緣內藉高麗蓆加黑氊後達帳殿橫列三楹高
一丈一尺縱一丈三尺橫三丈東西室皆啟窓更
後為圓幄三幔城外左右連帳茶膳儲侍各庀其
事

皇帝停蹕頓營



皇帝停蹕頓營 謹按

本朝定制

皇帝停蹕頓營度地縱橫各二丈設黃幔城門南向外
加網城如大營之制凡二十有九幔城中設圓幄
蓋高一丈牆高四尺門亦南向高三尺七寸濶二
尺三寸幕蓋圍牆俱如


駐蹕御幄之制幄內藉高麗蓆加白氊正中設藍褥高
五寸縱五尺五寸加白氊黃花文

行圍看城亦如之

欽定四庫全書

卷十八


親王禮帳



親王氊帳 謹按

本朝定制親王氊帳穹頂銜椽梲以白氊承椽以斜竹相交為牆皆髹朱外圍白氊下圍朱簾頂高九尺牆高四尺徑一丈四尺帳外周設藍布城郡王以下皆得用之職官扈行者亦得自備惟不許設藍布城


職官帳房



職官帳房 謹按

本朝定制職官帳房藍布為之如人字形單裕惟宜
縱六尺四寸橫一丈二尺上施梁為脊承以兩柱
各高六尺五寸幕布斜垂至地下加垂檐七寸兩
端皆圍以布左當柱中分以便出入


兵丁帳房



兵丁帳房 謹按

本朝定制兵丁帳房白布為之如職官帳房之制

凉棚



涼棚 謹按

本朝定制涼棚藍布為之單裕惟宜縱一丈八尺橫二丈七尺中施橫梁為脊濶九尺兩端承以柱高一丈七尺四寸蓋綠青布雲文簷四出高七尺五寸重檐以藍色周承以柱十皆髹朱圍布牆前啟兩窓櫺以木四窓角垂髹朱壺盧綴藍綵後樹白布屏高七尺五寸濶一丈二尺繪五采麒麟內外武職校閱用之

皇朝禮器圖式卷十八